

AMOREBIETA-ETXANOKO UDALAREN KIROL INSTALAZIOEN ERABILERRAKO ARAUTEGIA

Amorebieta-Etxanoko Udalaren mendekoa den eta nortasun juridikoa eta ondasun propioak dituen Ametx erakunde autonomoa kudeatzen ditu Amorebieta-Etxanoko Udalaren kirol instalazioak. Amorebieta-Etxanoko hiritarrei kirol jarduerarako sarbidea erraztea du xede nagusietako bat, eta kirolaren garapena sustatzen du, beraren zentzurik zabalenean, horretarako.

Araudi honen xedea Amorebieta-Etxanoko Udaleko kirol-instalazioen erabilera arautzea da. Instalazio horietarako sarbidea edozein pertsonak izango du, betiere, araudi honi atxikita erabiltzen baditu, eta dagozkion tasa edo prezio publikoak ordaintzen baditu.

Era berean, kirol-instalazioen erabilera eta diziplina araudia ere arautu nahi du. Haren kudeaketa eta administrazioa Udalak Ametx erakunde autonomoari esleitu dizkionez, Ametx erakunde autonomoak dauka instalazio horiek gobernatzeko eta administratzeko ahala, barnean direla erabiltzeko, programatzeko, ikuskatzeko eta kudeatzeko mugapenak.

Ametx erakunde autonomoak beretzat gordetzen du araudi hau argitzeko, aldatzeko edo garatzeko xedapenak edo ebazpenak emateko eskubidea, eta beroriek eta araudi espezifikoak (ordutegiak, tasak, etab.) jendearen eskura egongo dira.

Araudi honek arautzen dituen instalazioen erabilerrari eta kirol instalazioetan ematen diren zerbitzuei aplikagarri zaizkien tasak edota prezio publikoak Udalbatzak onartuko ditu urtero, Ametx erakunde autonomoaren Artezkaritza Batzordearen hasierako onarpenarekin eta dagokion zerga-ordenantza aldarazita.

Erakunde horren eskumenen barnean, Amorebieta-Etxanoko kirol-instalazio hauek hartzen dira aintzat (horiek guztiak kirola egitera eta gorputz-hezkuntza garatzera bideratutakoak):

- 1.- Larrea udal kiroldegia
- 2.- Txolon udal futbol zelaia.
- 3.- Urritxe udal futbol zelaia.
- 4.- Amorebieta IV. Udal frontoia.
- 5.- Etxanoko udal frontoia.
- 6.- Zubizabalako udal frontoia.
- 7.- Eubako udal frontoia.
- 8.- Gure Kirolak instalazioak.
- 9.- Ixerbekoa udal kiroldegia.
- 10.- Jauregizahar udal kiroldegia.

Araudi hau, orobat, etorkizunean Ametx erakunde autonomoaren eskumenekoak bilakatzen diren kirol-instalazioetan aplikatuko da.

1. ERABILTZAILEAK

Erabiltzailatzat hartuko dira udalaren kirol-instalazioak erabiltzen dituzten edo kirol-jardueraren edo jarduera fisikoren bat praktikatzen duten pertsonak.

1.1 ERABILTZAILE MOTAK

Bost erabiltzaile mota daude:

1.- ABONATUA: instalazioetara abonatuta egonik ordainketa eguneratuta daukan pertsona.

Honako mota hauek daude:

- a) Abonatu erroldatua. Amorebieta-Etxanon erroldatuta dagoen pertsona.
- b) Abonatu ez-erroldatua. Amorebieta-Etxanon erroldatuta ez dagoen pertsona.

2.- UDAL KIROL INSTALAZIOETAN EMATEN DIREN IKASTAROETAKO IKASLEAK:

Halakotzat joko dira Udalaren Kirol instalazioetan ematen diren ikastaroetan izena emanda duten eta ordainketa eguneratua duten pertsona guztiak.

3.- LIBREA: Ez abonatua, ez ematen diren ikastaroetako ikaslea ez den erabiltzailea izanik, dagokion alogera edo prezioa ordainduta, instalazioak erabiltzen dituen pertsona.

4.- TALDEAK EDO TALDE ANTOLATUAK: Izaera hau dute kirol-jarduerak egiteko, kirol-instalazioak taldeka erabiltzen dituzten erabiltzaileek.

Honako talde mota hauek bereizten dira:

-Herriko klubak eta kirol-elkartek. Amorebieta-Etxanoko Udaleko Elkarteen Erregistroan izena emanda dutenak.

-Ikastetxeak. Ametx erakunde autonomoak garatzen dituen kirol-jardueretan eta programetan parte hartzen duten ikastegi publiko nahiz pribatuak, alde batetik, eta instalazioak libreki erabiltzen dituzten ikastegiak, bestetik.

5.- JENDEA, ORO HAR: kirol-ikuskizunetara, entrenamenduetara eta lehiaketetara Ametx erakunde autonomoaren instalazioetara ikusle doan pertsona, kirolariei laguntzera doazenak eta bisitariak izango dira.

1.2. ERABILTZAILEEN ESKUBIDEAK ETA BETEBEHARRAK.

Kirol-instalazioen erabilerari dagokionez, honako eskubide hauek izango dituzte erabiltzaileek:

1. Instalazioei, ordutegiari, prezio publikoari, kirol-jarduerari eta bertara sartzeko moduari buruzko informazioa jasotzeko eskubidea.

2. Kirol zerbitzugintzan ari diren langileengandik arreta eta trataera egokia jasotzeko eskubidea. Edozein unetan, instalazioen zerbitzuetako edozein langile edo arduraduni identifikazioa eskatzeko eskubidea, egokituz jotzen dituzten erreklamazioak edo iradokizunak egiteko.

3. Alokatu edo gorde zituzten kirol instalazioak erabiltzeko edo izena emanda zuten jardueretan parte hartzeko eskubidea, gordetako ordutegian eta aldian, betiere hori eragozten duen programaturako beste jarduerarik egiten ari ez badira, Ametx erakunde autonomoak baimendutako kirol ekitaldiak egiten ari ez badira, edo eguraldia txarraren edo konpondu ezin den matxuraren baten eraginez, ezinezkoa ez bada.

4. Ikastaroari dagokienez, izena emana duen eskola jasotzeko eskubidea; betiere, izena emanda dutenen kopurua gutxienekotik gorakoa bada.

5. Instalazioak behar den higiene, garbitasun eta segurtasunarekin erabiltzeko eskubidea, erreserbatutako kirol-jarduera behar bezala garatuko dela bermatzeko.

6. Erabiltzaileari ez dagozkion arrazoiengatik, ordutegiarekin nahasteren bat badago, hartutako ordua atzeratzea –ordurako ezer programaturik ez badago– edo, libre badago, beste instalazio batera aldatzea aukera dezakete. Abonatuek eta erabiltzaile libreek kontratatutako zerbitzua itzultzea eskatu ahal izango dute, gertaeraren bat jazo edo zerbitzua bertan behera geratu denean (altzarrietan edo instalazioetan matxurak). Ez da itzulketarik egingo eguraldiaren edo ezinbesteko arrazoiengatik gertatu denean (greba legala barne).

7. Hala behar denean, monitorearen ordezkoa edukitzeko eskubidea, salbuespenak salbu.

8. Uraren kalitatearen neurketari buruzko datuen berri (ph-a, kloro maila eta tenperatura) edukitzeko eskubidea, jendaurrean egon behar baitute.

9. Instalazioen erreserba, Ametx erakunde autonomoaren jendearentzako arreta puntuetan edo, ahal denetan, Internet bidez (www.ametx.eus).

10. Edozein erreklamazio, zalantza, kexa edo iradokizun idatziz eta askatasun osoz aurkezteko, eta gehienez hogeita hamar eguneko epean erantzuna jasotzeko eskubidea.

11. Indarrean dagoen legerari jarraiki, datu pertsonalen konfidentzialtasuna eta pribatutasuna bermatuta edukitzeko eskubidea.

12. Udalaren kirol eskaintzari ahozko eta idatzizko informazioa eskuratzeko eskubidea, kirol zerbitzuen ezaugarriak zehazturik bertan.

13. Larrea kiroldegiko igerilekuan erabiltzaile orokorrentzat uneoro erabilgarri izango diren lau kaleetako batean ibiltzeko eskubidea.

Kirol-instalazioen erabiltzaile guztiek honako betebeharrak dituzte:

1. Instalazioak eta zerbitzuak araudi honetan zehaztutakoari eta araudia garatzen duten xedapenei eta kirol zerbitzuetakolangileen jarraibideei lotuta erabiltzea.

2. Instalazioko beste erabiltzaileak, jendea eta langileak errespetuz tratatzea, langileen lana erraztea, eta instalazioetan zuzen jokatzeko kirol-materiala zaintzea; instalazioak garbi eta egoera onean mantentzen lagunduz.

3. Nork bere burua aurkeztu izen eta abizenekin, kirol zerbitzuetako langileren batek eskatzen diodanean.

4. Jarduera bakoitzari dagozkion kirol jantziak eta oinetako egokiak erabiltzea (kanpoan erabiltzen dena eta barruan erabiltzen dena bereiziz).

5. Instalazioen funtzionamendurako ordutegiak errespetatzea, eta kirol zerbitzuetako langileei jarraibideei jaramon egitea beti.

6. Arduragabekeriak edo atzipez edozein kalte eraginez gero, horren arduradunak edo arduradunek ordaindu beharko dute kaltea.

7. Helbidea, telefono-zenbakia eta bankuko datuak aldatzean edo Erakundea utzi behar denean, horren berri idazkaritzan ematea.

8. Kuotaren ordainketa errespetatzea eta betetzea.

9. Instalazio guzti-guztien betebeharrak komunak betetzea.

Debekatuta dago:

a) Instalazioen barruan erretzea, direla barrukoak, direla kanpokoak.

b) Instalazioen barruan jatea, baimena berariaz adierazita dagoen tokietan izan ezik.

c) Aldalekueetatik kanpo jantzea edo erantztea.

d) Sexu bateko pertsonak beste sexuarentzat gordeta dauden espazioetan sartzea, 7 urtetik beherako umeak izan ezik. Horrela denean, nagusi batek lagunduta sartuko dira.

e) Instalazioetan edari alkoholdunak saltzea edo edatea.

f) Instalazioetan kristalezko objektuak eta animaliak sartzea.

g) Pipak, txikleak, gozokiak edo bestelako produktuak jatea.

h) Patinez, patinetek edo antzekoek instalazioetan ibiltzea.

1.3. ABONATUAK

1. Oro har, abonatuak hainbat motatakoak izan daitezke (familiarak, banakoak, arruntak, konbinatuak, urtekoak, hiruhilabetekoak, etab.), eta ezarrita dauden onurak, ezaugarriak eta prestazioak dagokien zerga-ordenantzan arautuko dira beren beregi.

2. Instalazioetara sartzeko, abonatu txartela erbailiko dute beti ere. Debalde emango da. Galdu edo apurtu delako, txartel berria behar izanez gero, udal zerbitzuak edo jarduerak emateagatik prezio publikoak arautzen dituen ordenantzan ezarrita dagoen prezioa ordaindu beharko da.

3. Txartela norbanakoa eta besterenezina da, eta titularra ez den beste inork erabiliz gero, hilabetez kenduko da txartela, gainera, Ametx erakunde autonomoak ez du ezin zenbatekorik ordaindu behar izango. Behin eta berriz gertatzen bada, arau-hauste larritzat joko da eta dagokion moduan zigortuko da.

4. Abonuaren prezio publikoa edo tasa, helbideratuta ez dagoenetan, txartel bidez ordainduko da Ametx erakunde autonomoko kirol sailaren arreta puntuetako batean.

5. Abonatu izateari utzi nahi diotzen idatziz jakinarazi beharko dio Ametx erakunde autonomoari, dagokion ekitaldia indarrean sartu baino gutxienez hamar egun lehenago.

6. Abonu-kuotari dagozkion eta itzultzen diren ordainagiriak, adierazten den modu eta epearen barruan ordaindu beharko dira. Ordainketa gauzatu arte, blokeatuta izango du Ametx erakunde autonomoak kudeatzen dituen instalazioetarako sarbidea.

Ezarrirako epearen barruan ordaintzen ez badira, pertsona hori baja izango da berehala, zorretan daukan zenbatekoa ordaindu arte, eta kobratzeari ekingo zaio udal ordeantza fiskaletan eta bilketa-arloko gainerako legerian ezarrita dagoen eran.

1.4. KIROL-ELKARTEAK ETA KLUBAK

1. Legez eraturik dauden kirol-elkarteak eta klubak izango dira, Ametx erakunde autonomoaren aurrean, lehiaketa-kirolerako balio duten ordezkari bakarrak.

2. Aurreko puntua betetzeko, kirol elkarte edo klub bat legez eraturik dagoela hartuko da beraren estatutuak Eusko Jaurlaritzaren Kirolerako Zuzendaritza Nagusiak onartu eta Udalaren Kirol Elkarte eta Klubaren erregistroan izena emanda duenean.

3. Egoitza AMOREBIETA-ETXANON duten eta aurreko baldintzak betetzen dituzten klubek Ametx erakunde autonomoaren instalazioak erabili ahal izango dituzte euren jardueretarako, aurrez zehaztutako ordutegi eta egunetan, eta ezer ordaindu gabe. Erabilera hori aldeztu aurretik zehaztutako egun eta ordutegian egingo da. Erabiltzen hasi baino 20 minutu lehenago sartu ahal izango da instalazioetan, eta jarduera amaitu eta handik 20 minutura utzi beharko dira, betiere, instalazioen ordutegiaren barruan.

4. Instalazioak erabiltzeko ordutegiaren banaketa klub interesatuen beharrezkoak entzun ondoren, egingo da, eta kirol-denboraldi baterako balioa izango dute.

5. Euren lehiaketa-partidak jokatzeko zelaiak eta pistak eskatzen dituzten klub federatu guztiek derrigor eman beharko dute Ametx erakunde autonomoan euren lehiaketa egutegiaren kopia bat.

6. Utzitako instalazioa Ametx erakunde autonomoari jakinarazi gabe hiru egunetarako erabiltzen ez duten taldeei hura erabiltzeko baimena kenduko zaie (ezinbesteko arazoak, eguraldi arazoak, etab. direnean izan ezik).

7. Ametx erakunde autonomoak instalazio eta dependentzien erabilera-baimenak eten ahal izango ditu haren iritziz lehentasuna duten beste erabilera batzuk emateko, betiere bidezkoak badira eta, horretarako, aldeztu aurretik jakinarazpena helaraziko die.

8. Ametx erakunde autonomoak haien eskura jarritako materiala edota botika-kutxa erabiliz gero, Ametx erakunde autonomoak zehaztutako tokian utzi beharko dute erabili ondoren.

9. Klubek bileretarako, hitzaldietarako, eta abarretarako egokituta dauden espazioak erabili ahal izango dituzte, erabiltzeko baimena eskatu eta erreserba egin ondoren.

10. Lehiaketa ofizialak egiteko, kirol klubek denboraldiaren egutegia helarazi beharko dute idatziz eta, gutxienez hamabost egun lehenago, lehiaketetan egingo diren jarduerak eta ordutegiak adieraziko dira.

11. Kirol instalazio bakoitzerako onartutako egutegian zehaztuta dauden ordutegi orokorreki egokitu beharko zaizkie entrenamendu eta lehiaketa ofizialetako ordutegiak.

12. Kirol-elkarte eta klubek antolatutako kirol-ekitaldien erantzukizun zibila, entrenamendu-saioak barne, eurenak izango dira. Horretarako, dagokien erantzukizun zibileko poliza kontratatu behar dute, eta denboraldiaren hasieran polizen kopia eman behar diote Ametx erakunde autonomoari.

13. Instalazioetan lehiaketak eta ikuskizunak antolatzen direnean, ekitaldi publikoen erantzukizuna erakunde antolatzaileena izango da. Instalazioak erabiltzean sortutako kalteak edo hausturak erabilera erreserba egin zuen pertsonak edo erakundeak ordaindu beharko ditu. Lehiaketa ofizialetan, dagokien federazioari eta klubari emango zaie kalteen berri, eta bertako kluba izango da aurkako taldeek sortutako kalteen erantzule subsidiarioa.

14. Kirol-ekitaldietara sartzeko sarrera kobratzen duten kirol-erakundeek horren berri eman beharko diote aurretik Ametx erakunde autonomoari. Takilak erabili ahal izango dituzte (halakorik izanez gero). Bestalde, euren ardurapekoak izango dira bai langile kobratzaileak bai ekitaldia egokiro garatzeko kontrola. Horrelako egoeretan, ardura horren barruan sartuko dira kantxa, harmailak, sarrerak, markagailua eta esparru guztien garbiketa.

15. Ekitaldi ez-ohikoak, baldintzak eta aurkeztu beharreko dokumentazioa (Ikus II. eranskina).

2. TASAK ETA PREZIO PUBLIKOAK, KIROL INSTALAZIOEK ALOKAIURUA ETA ERRESERBA, ETA KIROL JARDUERETAN IZENA EMATEA

Tasa eta prezio publikoak Ametx erakunde autonomoaren Artezkaritza Batzordeak xedatutakoaren arabera izango dira eta Amorebieta-Etxanoko Udalbatzak ezarriko ditu.

2.1. ABONATUEN KUOTAK ETA IZEN-EMATEAK, IKASTAROAK, ALOKAIURUAK ETA JARDUERAK. PREZIOAK KOB RATZEA:

Ezarrita dauden tasak eta prezio publikoak Ametx erakunde autonomoaren administrazio zerbitzuak kobratu eta administratuko ditu.

1. Abonuak eta ikastaroetako kuotak jarduera motaren arabera ordainduko dira, abonuaren indarraldia, ikastaroa edo jarduera hasi baino lehen beti ere.

2. Ordainketa helbideratze bidez egingo da. Helbideratuta egon ezean, web orriaren bidez gauzatuko da ahal denetan edo, bestela, Ametx erakunde autonomaren kirol zerbitzuaren arreta puntuetan, txartelaren bidez.

3. Adin txikiko erabiltzaileen kasuan, prezioak gurasoek edo legezko tutoreek ordaindu beharko dituzte.

4. Adin txikikoa erroldatutzat jotzeko, haren aitak edo amak edo legezko tutoreak ere udalerrian erroldatuta egon beharko du.

5. Lehiaketa federatuak ez direnean, instalazioak erabili nahi dituzten taldeek dagokien prezio publikoa ordaindu beharko dute.

ITZULKETAK:

Kobratutako zenbatekoak edo ordaintzeke daudenak honako kasu hauetan itzuliko edo ezeztatuko dira:

Ametx erakunde autonomoari egotz dakizkiokeen arrazoiengatik jarduera egiten ez denean. Aitzitik, izena emanda dagoen jardueran parte ez hartzea erabiltzaileak erabaki badu, ez du ordaindutako dirua bueltan jasoko.

Medikuak ziurtatutako osasun arazoengatik erabiltzaileak –abonatuia izan ez– izena emanda duen jardueran parte hartzerik ez badu, jarduera hori berreskuratu ahal izango du, medikuaren alta jaso eta, gehienez hiru hilabetekoa izango den epearen barruan.

ERRESERBAK:

1. Erreserbak egiteko bideak:

- Ametx erakunde autonomoaren kirol sailaren arreta puntuetan.
- Internet bidez, ahal den kasuetan, www.ametx.eus web orriaren bidez.

Horretarako, erabiltzaileek alta eman beharko dute Ametx erakunde autonomoaren datu-basean, webgunean bertan.

2. Erabiltzaile bakoitzak –abonatuia izan nahi izan ez – kantxa, pista edo kirol-instalazio bat astean ordubeterako erreserbatu ahalko du gehen jota, zerbitzuak, eskariari erreparatuta, erabilera handiagoa baimentzen duenean izan ezik.

3. Erreserbak behin betikotzat joko dira, eta ez da aldaketarik edo itzulketarik onartuko.

4. Pistei larriki eragiten dieten klimatologia arazoak direnean, normaltasunez jardutea ezinezkoa denean, interesdunek egun eta ordu aldaketa eskatu ahalko dute aurretiaz. Aldez aurretiko eskaerarik egin ezean, ez da inolako aldaketari egingo.

3. KIROLETAKO IKASTAROAK ETA KANPAINAK

1. Kirol-jarduera sustatzeko, kiroleko ikastaroak eta kanpainak antolatuko ditu urtero Ametx erakunde autonomoak, eta haien eskaintza herritar guztiei zuzenduko zaie.

2. Erabiltzaileen gogobetetasuna lortzea eta kirola ahalik eta gehien hedatzea da ikastaro eta kanpaina horien funtsezko helburua.

3. Oro har, ikastaroak urte osoan izango dira, eta ahal den heinean, eskaeraren arabera izango dira.

4. Ikastaroak eta kanpainak ezarritako Tasa eta Prezio publikoei buruzko Ordenantzari atxikita egongo dira.

5. Ikastaroetan, kanpainetan eta lehiaketetan parte hartzeko, gehieneko eta gutxieneko pertsona kopurua eskatuko da. Ezarritako gutxieneko kopurua gainditzen ez bada, ez dira egingo. Gehienekoa gainditzen bada, berriz, zozketa publikoaren bidez esleituko dira lakueak. Gainerako eskatzaileek itxarote zerrenda osatuko dute ordenan.

6. Plaza hutsak baldin badaude, edozein unetan eman ahal izango da izena, eta jarduerak dirauen bitartean iraugo du hark ere.

7. Prezio Publikoa ez ordaintzeak, jardueran berehala baja izatea ekarriko du, eta beste jardueraren batean izena ematen badu, zorretan duen zenbatekoa ordaindu beharko du aldez aurretik.

Kirol-jarduerarako gai dela ziurtatzeko, mediku-azterketa egitea gomendatzen du Ametx erakunde autonomoak, eta edozein erabiltzailei eska diezaioke hori, kirol-jarduerari ekin aurretik.

4. INSTALAZIOETARA SARTZEKO ETA BERTAN IBILTZEKO ARAU OROKORRAK

1. Instalazioetara sartzeko, Ametx erakunde autonomoak emandako txartel pertsonala erabili behar da oro har edo, bestela, sarreran dagokion tasa edo prezioa ordaindu izanaren tiketa.

2. Ez dira Ametx erakunde autonomoaren erantzukizunpekoak takiletan edo aldageletan utzitako gauzak; izan ere, gauzen gordailaketa ez Ametx erakunde autonomoaren kontratuaren barruan.

3. Pertsona edo ondasunei eragiten zaie kalteen erantzukizuna kaltea eragin duen pertsonarena edo erakundearena izango da, eta ez veste inorena.

4. Ametx erakunde autonomoak badu Erantzukizun Zibileko poliza, eta poliza horrek instalazio guztietan kirola egitearen ondorioz sor litezkeen kalteak hartzen ditu barnean; betiere kaltearen eta zerbitzuaren ohiz kanpoko funtzionamenduaren artean kausa-efektu erlaziorik baldin badago.

5. Instalazioak erabiltzeko, kirol-jantziak eraman beharko dira beti, instalazio bakoitzaren erabilerari kontu eginda.

6. Ikastaro/jardueretako lehentasun ordena ondorengo hau izango da:

A. Kasuan kasuko taldean tokia ziurtatuko da, jarduera hasi baino lehenago izena emanaz gero.

B. Lehendabizi tokia dute ordutegian izena eman dutenek; bigarrenez, jarduera berean baina beste ordutegi batean izena eman dutenek eta, azkenik, multikiroletan izena emanda dutenek.

C. Probatzera datozenek ez dute inola ere lehentasunik izango.

7. Takilak kirol-jardueran aritu eta instalazioetan egon bitartean soilik erabili ahal izango dira. Jarduera amaitutakoan, takilak hutsik geratu behar du. Horrela izan ezik, objektuak gehienez 15 eguneguz egongo dira jasota, horretarako egokitutako toki batean.

8. Ezin da instalazioetan jan eta ezin da bertara kristalezko objekturik sartu, horretarako adierazitako gunean izan ezik. Abenduaren 28ko 28/2005 Legea betetze aldera, instalazioetan ezin da erre.

9. Ezin da animaliarik sartu, legediak gida-txakurrei dagokienez xedatuta dituen kasuetan izan ezik.

10. Jantzi eta erantzi, talde edo jarduera bakoitzari esleitutako aldageletan egin behar da.

11. Instalazioetan edo haren perimetroan publikitate edo kartelak ipini nahi dituzten kirol-elkarte edo klubek Ametx erakunde autonomoaren berariazko baimena behar dute, eta espazioak proportzotasun-irizpideen arabera banatuko dira. (Ezin da publikitaterik jarri).

12. Oro har, instalazioen barruan ezin dira pertsonak, instalazioak edo jarduerak filmatu, grabatu edo haien argazkirik egin Ametx erakunde autonomoaren baimenik gabe.

13. Azken urtean arau-hauste larria edo oso larria egin dutelako zigortuta egon direnei eta euren portaerarekin zerbitzuak eta instalazioak desegoki erabiltzea eragin dutenei –Artezkaritza Batzordeari eta begiraleei hala adierazi zaienean– ez zaie instalazioak eta zerbitzuak erabiltzen utziko.

14. Beren beregi debekatuta dago:

- a) Kirol-ikuskizunetan, indarkeria sustatzen duten pankartak, ikurrak, enblemak edo esaldiak erakustea.
- b) Kirol-ikuskizunak egiten ari diren instalazioetan edozein arma mota (agintaritzaren agenteek euren zeregina betetzeko –jardunean badaude– eta bizkartzainek euren zeregina betetzeko –betiere jardunean badaude– daramatzatenak izan ezik), edo jaurtitzeko objekturik sartzea.
- c) Edari alkoholodunak sartzea eta saltzea.
- d) Bengalak edo artifiziozko suak sartzea.

15. Aldagelen erabilerari dagokionez:

- Hamasei urtetik beherakoek osatutako talde antolatutak eurekin datozen baimenduriko pertsona helduekin sartuko dira aldageletan (irakaslea, entrenatzailea edo begiralea).
- Erabiltzaileek arropaz aldatu eta garbitzeko behar-beharrezko denbora emango dute bertan, eta ezin izango da hogeita minutu baino gehiago izan.
- Aldageletan ezin da erre, jan eta kristalezko objektuekin sartu.
- Aldageletan ezin da oinetako lohituarekin sartu.
- Ezin da arroparik utzi aldageletan. Horretarako, takilak daude.
- Aldageletan ezin dira kirol jantziak garbitu.
- Ezin da bizarririk kendu ezta depilatu ere.
- Paperontziak derrigor erabili behar dira.
- Dutexan derrigorrezkoa da txankletak erabiltzea.
- Portaera bandalikoek edo araudi hau urratzeak dagokien zigorra eragingo dute, eta zigorra banako erantzuleari nahiz taldeari ezarriko zaio. Horrez gain, eragindako kalteen ondorioz sortutako gastuak ere ordaindu beharko dituzte.

5. KIROL-EKIPAMENDUA ERABILTZEKO ARAUAK

5.1 IGERILEKU ESTALIAK

1) Instalazio horiek herritarren uretako jarduera fisikorako eta jostaketarako dira, bai eta igeri egiteko ikasteko eta hobetzeko ere.

Era berean, ordu jakinetan, hainbat espazio (kale) kirol-klubek erabiliko dituzte euren jarduera espezifikotarako, eta Ametx erakunde autonomoak antolatzen dituen igeriketa klaseen arduradunek.

2) Ametx erakunde autonomoak ez du erantzukizunik hartzen erabiltzaileek igeri egiten ez dakitelako edo beharrezko zuzentzeak jokatzen ez dutelako igerilekuetan istripurik badute. Ondore horretarako, debekatuta dago 12 urtetik beherakoak instalazioetan sartzea haren arduradun izango den adin nagusikoren batek laguntzen ez baditu (salbuespen dira, Ametx erakunde autonomoak berak antolatutako programak). 10 eta 12 urteko pertsonak beren arduradun izango den adin nagusiko inork lagundu gabe sartu ahalko dira, gurasoek edo legezko tutoreak idatzizko baimena sinatuz gero.

3) Ametx erakunde autonomoak igerilekuko kaleen banaketa programatuko du, eta leku ikusgarrian ipiniko du, bertan egingo diren jarduerak errespetatuz: bainu askea, ikastaro eta jarduerak eta klub programak.

4) Ametx erakunde autonomoarena den igeriketa-materiala erabili nahi duten erabiltzaileek une horretan arduradun dagoen sorosleari eskatu beharko diote, eta beral adierazten dien tokira itzuli behin erabiliz ondoren.

5) Igotzeko elementuak egongo dira, pertsona ezinduek igerileku klimatizatuak erabili ahal izan dezaten. Ahal den neurrian, minusbaliatuei instalazioetara sartzea eragozten edo oztopatzen dieten ekipamenduko edo eraikuntzako elementu guztiak ekidingo dira.

6) Eusko Jaurlaritzaren Osasun eta Kontsumo Sailaren otsailaren 18ko 32/2003 Dekretuak – Euskadiko talde-erabilerarako igerilekuen araudi higieniko-sanitarioari buruzkoak– xedatzen duena betetzeko, erabilera-araudi orokor hau zehaztu da:

- a) Igerilekua jendearentzat zabalik dagoen orduetan, sorosle titulatu bat egingo da bertan.

- b) Igerilekuan gehienez egongo den jende kopurua indarrean dagoen legeriak zehazten duena izango da, eta espazio horretan bertan jarriko da ikusgai.
- c) Igerileku-ontzietan sartu baino lehen dutxa hartu behar da derrigor.
- d) Uretako txanoa erabili behar da derrigor.
- e) Derrigorrezkoa da txankletak edo bainurako oinetakoak erabiltzea, beti ere esparruaren barruan erabiltzekoak eta ez handik kanpora erabiltzen direnak, eta ezingo dira igerilekuko perimetroko saretaren gainean utzi, bertan dabiltzanei trabarik ez egiteko moduko tokian baizik.
- f) Erabat debekatuta daukate erabiltzaileek bainu-gunera kaleko arrokekin eta oinetakoekin sartzea. Instalazioko zerbitzuetako langileek, bertan egon behar dutenean, kaleko oinetakoei estalki plastikoak jarriko dizkiete.
- g) Guztiz debekatuta dago instalazio honetan erretzea edo jatea.
- h) Soroslea da igerilekuko arduraduna; beraz, une oro errespetua zor zaio. Era berean, megafoniaz egiten diren oharrak, instalazioa ixteko orduak, igeriketa-norantza eta Ametx erakunde autonomoak onetsitako kale-banaketa ere errespetatu behar dira.
- i) Erabat debekatuta dago harreman zuzen edo zeharkakoaren bidez, uraren bidez eta/edo elementu pasiboen bidez (kortxo bereizleak edo igeriketa-oholak) erraz kutsatzen diren gaixotasunak dituzten pertsonak bainu-gunean sartzea.
- j) Ezin da igerileku-zabaltzetatik korrika egin, gainerako erabiltzaileentzako arriskutsu edo desatsegin diren jolasetan jardun, kortxeretan eseri edo ebatu, eta irteerako plataformetatik salto egin.
- k) Aletak eta palak (norberarenak), segurtasunaren ardura duen sorosleak baimenduz gero baino ezingo dira erabili.
- l) Debeekatuta dago animaliak instalazioan sartzea.
- m) Debeekatuta dago instalazioan hondakinak uztea; horretarako, paperontziak eta bestelako ontziak erabili behar dira.
- n) Erabat debekatuta dago buruz salto egitea, fedseratuen txapelketetan eta zuzendaria dute entrenamenduetan izan ezik.
- ñ) Bainatzeko, ezinbestekoa da bainujantzia edo bikini erabiltzea, eta ez veste ezin jantzi / Debeekatuta dago jantzita, top-less edo biluzik bainatzea.
- o) Guztiz debekatuta dago igeri egiten jakin Gabe igerileku handian sartzea, igeriketa ikastaroak egiten ibili eta, ikastaroa ematen dien sorosle-begiraleak hala eskatzen dienean izan ezik. Igerileku txikian, berriz, igeri egiten jakin ezik flotaziorako elementuak eramango dituzte erabiltzaileek, edo erantzukizuna bere gain hartuko duen adin nagusiko persona batek lagunduta joan uneoro.
- p) Debeekatuta dago igerilekuaren esparruan kristaleko objektuak sartzea, graduazioa duten betaurrekoak eta erlojuak izan ezik. Bainua hartzearekin inolako objekturik ere ezingo da sartu, ez eta aletak, buzeatzeko betaurrekoak, hodiak, baltsak, baloiak, koltxonetak edota bestelako elementu puzgarriak, sorosleak horretarako baimena ematen duenean salbu.

5.2 ESTALI GABEKO EDO UDAKO IGERILEKUAK

1. Instalazio hau noiz zabaldu Ametx erakunde autonomoak erabakiko du, eta behar den bezala jakinaraziko ditu egunak eta ordutegiak.
2. Eguraldi txarrak ez du sarreraren dirua itzultzeko eskubiderik emango.
3. Ametx erakunde autonomoko abonatu ez diren pertsonak ezarritako tasa ordaindu, eta dagokion tiketa eskuratu behar dute.
4. Instalazio honetako arauak igerileku estalirako dauden berberak dira. Kanpoko igerileku eta guneetan egon daitekeen pertsona kopurua honako hau da:
 - Plisti-plasta ibiltzeko ontzian:
 - Ontzi handian:
 - Instalazioetan, orotara:
5. Instalazioetan begirune handiz tratatu beharko dira gainerako erabiltzaileak. Ezin da igerilekuzabaltzetatik korrika ibili edo jolas arriskutsuetan jardun.

6. Gune berdean ezin da baloian, pilotan, paletan, ur-puxiketan edo antzeko jolasetan aritu baldin eta gainerako erabiltzaileei enbarazua eta instalazioen mantentze orokorrari kalte eragiten bazaie.
7. Guztiz debekatuta dago instalazio honetan erretzea.
8. Bainatzeko, ezinbestekoa da bainujantzia edo bikini erabiltzea, eta ez beste ezein jantzi / Debekatuta dago jantzita, top-less edo biluzik bainatzea.
9. Aletak eta palak (norberarenak), segurtasunaren ardura duen sorosleak baimenduz gero baino ezingo dira erabili.
10. Debekatuta dago animaliak instalazioan sartzea..
11. Debekatuta dago Instalazioan hondakinak uztea; horretarako, paperontziak eta bestelako ontziak erabili behar dira.
12. Erabat debekatuta dago buruz salto egitea, fedseratuen txapelketetan eta zuzendaria dute entrenamenduetan izan ezik.
13. Ametx erakunde autonomoak ez du erantzukizunik hartzen erabiltzaileek igeri egiten ez dakitelako edo beharrezko zuhurtziaz jokatzeko ez dutelako igerilekuetan istripurik badute. Ondore horretarako, debekatuta dago 12 urtetik beherakoak instalazioetan sartzea haren arduradun izango den adin nagusikoren batek laguntzen ez baditu (salbuespen dira, Ametx erakunde autonomoak berak antolatutako programak). 10 eta 12 urteko pertsonak beren arduradun izango den adin nagusiko inork lagundu gabe sartu ahalko dira, gurasoek edo legezko tutoreak idatzizko baimena sinatuz gero.
14. Guztiz debekatuta dago igeri egiten jakin Gabe igerileku handian sartzea, igeriketa ikastaroak egiten ibili eta, ikastaroa ematen dien sorosle-begiraleak hala eskatzen dienean izan ezik. Igerileku txikian, berriz, igeri egiten jakin ezik flotaziorako elementuak eramango dituzte erabiltzaileek, edo erantzukizuna bere gain hartuko duen adin nagusiko persona batek lagunduta joan uneoro.
15. Debekatuta dago igerilekuaren esparruan kristaleko objektuak sartzea, graduazioa duten betaurrekoak eta erlojuak izan ezik. Bainua hartzearekin inolako objekturik ere ezingo da sartu, ez eta aletak, buzeatzeko betaurrekoak, hodiak, baltsak, baloiak, koltxonetak edota bestelako elementu puzgarriak, sorosleak horretarako baimena ematen duenean salbu.
16. Debekatuta dago eguzkia biluzik hartzea.
17. Instalazioetan horretarako bereziki diren gunetan baino ezingo da jane do edan.

5.3 GIMNASIOAK

- 1) Kiroletako oinetakoak eta jantziak eraman beharko dira bertara sartu ahal izateko.
- 2) Indarrean dagoen Tasa eta Prezioen Ordenantzan xedatutakoa beterik, alde zuzenetik izena emanda daudenak baino ezin izango dira sartu areto hauetan.

5.4. FITNESS GELA

- 1) Indarrean dagoen Tasa eta Prezioen Ordenantzan xedatutakoa beterik, alde zuzenetik izena emanda daudenak baino ezin izango dira sartu areto hauetan.
- 2) Instalazio hauetan sartzeko, ezinbestekoa da kiroleko jantzi eta oinetakoak eramatea, kalean erabilitakoen desberdina.
- 3) Harrerako langileek adieraziko dute zein aldagela erabili.
- 4) 16 urtetik beherakoak ezin izango dira bertara sartu. 16-18 urte bitartekoak, berriz, gurasoen edo legezko tutorearen idatzizko baimena izanez gero sar daitezke sartu ahalko dira guraso edo tutore legal baten baimenarekin.
- 5) Materiala eta ekipamendua erabilitakoan, dagokien tokian eta zeuden moduan utzi beharko dira (pesak).
- 6) Aretoko langile teknikoak aholkua emango du, eta banan-banako programak diseinatuko ditu hala eskatzen duten eta dagokien kuota ordaintzen duten pertsonen, horretarako, zehaztuta dauden ordutegietan.
- 7) Makinak erabiltzeko toalla erabili behar da.

5.5. KIROLETAKO PISTAK

1. Instalaziora sartzeko, ezinbestekoa da kiroleko jantzi eta oinetakoak eramatea, bai eta entrenatzaileek eta klubetako gainerakoek ere.

2. Kiroleko oinetakoen zolak zuria edo tonu argikoa izan behar du, jolasgunean markarik ez uzteko.

3. Kontroleko langileek adieraziko dute zein aldagela erabil. Taldeen kasuan, taldeentzako aldagelak erabiliko dituzte.

4. Instalazioak erreserbatzeko eta erabiltzeko araudi honetan xedatzen denari erreparatuko zaio.

5.6. BELAR ARTIFIZIALEKO ZELAIK

1. Zelaietan erabili beharreko oinetakoek gomazko zola eta takoak eduki behar dituzte, ahal dela "tako askotakoak" eta, orpoaren aldean, gutxienez, lau tako.

2. Erabat debekatuta dago bertan erretzea edo instalazioak kalte edo zikin dezakeen ezer jatea: pipak, fruitu lehorrak, etab.

3. Edozein anomalia hautemanez gero, Ametx erakunde autonomoak instalazioan dituen arduradunei jakinarazi behar zaio.

5.7. TENIS ETA PADELEKO PISTAK ETA FRONTOIAK

1. Pista hauetan honako jarduera hauek egingo dira: Ametx erakunde autonomoak antolatutako ikastaroak, kanpainak eta lehiaketak, bertako klubak lehiaketak eta edozein erabiltzailearen banakako jarduerak.

2. Instalazio horiek araudi honetan eta Tasa eta Prezioen Ordenantzaren zehaztutakoaren arabera erabili ahal izango dira.

3. Derrigorrezkoa da kiroleko arropa eta oinetakoak erabiltzea.

4. Frontoietan lehentasuna izango dute pilota eta frontoiko modalitate eta jokoak. Hala ere, beste kirol-jarduera batzuetarako ere erabili ahal izango dira, instalazioek hartarako baldintzak betetzen badituzte.

5. Ezingo da erreserbatutakoa baino denbora gehiago egon, aldez aurretik tasa ordaindu barik.

5.8. BOULDERRA

1. artikulua.- Araudi honen xedea Amorebieta-Etxanoko AMETX ERAKUNDE AUTONOMOAREN rokodromo/boulderra erabiltzeko baldintzak arautzea da.

2. artikulua.- Boulderra eskalada egiteko diseinaturiko kirol instalazioa da, eta kirol-jarduera horretarako baino ezin izango da erabili.

3. artikulua.- Eskalada ez dago arriskuetatik libre, eta prestakuntza fisiko eta tekniko espezifikoa behar dira eskaladan jarduteko. Ondorioz, boulderra erabiltzeak, arrisku horiek borondatez bere gain hartzea dakarkio erabiltzaileari.

4. artikulua.- Amorebieta-Etxanoko AMETX ERAKUNDE AUTONOMOAK ez ditu bere gain hartuko boulderra gaizki erabiltzeagatik erabiltzaileek paira ditzaketan kalteak, edo erabiltzaileen prestakuntza fisiko eta teknikorik ezagatik eragindakoak. Instalazioen egoera txarraren ondoriozko kalteak baino ez ditu bere gain hartuko.

5. artikulua.- Instalazioa erreserbatzeak edo erabiltzeak arau hauek onartzea dakar.

6. ZEHATZEKO ARAUBIDEA

Ametx erakunde autonomoak instalazioak erabiltzeko ezarritako baldintzak betetzen ez badira, zehapenak ezarri ahal izango ditu, araudi honetan aurreikusitakoarekin bat. Nolanahi ere, zehapena izango da erakunde honek erabiliko duen azken neurria, erakunde horren funtsezko helburua kirol-jarduera ezartzea eta garatzea baita.

Instalazioetako langileek behar bezalako portaera ez duten pertsonak ohartarazteko eta instalazioetatik kanporazteko ahalmena dute, eta hori gertatzen denean instalazioan dagoen Ametx erakunde autonomoaren arduradun gorenari jakinaraziko diote.

Instalazioen eta bertako ekipamenduaren eta AMETX ERAKUNDE AUTONOMOAREN materialaren erabileraren ondorioz, ustekabeak gerta litezkeen kalte pertsonalak ezin izango zaizkio ez AMETX ERAKUNDE AUTONOMOA, ez Udalarari egotzi; haien arduradunen (baleude) erruz edo

arduragabekeriak gertatzen denean edo instalazioen edo materialaren egoera txarraren ondoriozkoa denean izan ezik.

Bateragarriak dira zehapenak ezartzea eta Ametx erakunde autonomoaren instalazioetan eragindako kalteengatik kalte-ordainak eskatzea.

Hutsegiteak mailakatzean, kontuan hartuko dira berrerortzea, asmoa eta instalazio publikoei eragindako kalteen intentsitatea.

Ametx erakunde autonomoaren presidentziak izango du hutsegite arinengatik zehapenak jartzeko eskumena, Erakundearen kudeatzaileak hala eskatuta.

Hutsegite larri edo oso larriengatik zehapenak, berriz, Ametx erakunde autonomoaren Artezkaritza Batzordearen eskumena izango dira, Ametx erakunde autonomoaren presidentziak hala eskatuta.

Espedienteak izapidetzeko, Euskal Autonomia Erkidegoko Herri Administrazioen ahalmen zehatzailea arautzen duen araudian ezarritakoa hartuko da aintzat.

Dena dela, Ametx erakunde autonomoaren presidentziak ustez hutsegitea egin duen pertsona kaleratzeko erabakia hartu ahal izango du zuhurtziaz, bestela zerbitzua egokiro eskaintzeko oztopo izan badaiteke.

6.1. ARAU-HAUSTEEN MAILAKATZEA

- Oso hutsegite larritzat joko dira:

Ametx erakunde autonomoaren edota beste erabiltzaileen ondasunak lapurtzea.

Lokaletan, instalazioetan edo materialetan 600 eurotik gorako kalteak eragitea fede txarrez nahiz axolagabekeriak.

Beste erabiltzaile batzuekiko edo kirol zerbitzuei atxikita dauden langileekiko begirune falta larria, erasoak, mehatxuak, eskandaluak eta pertsonen ohorearen aurkako erasoak.

3 hutsegite larritan berrerortzea.

- Hutsegite larritzat joko dira:

Kirol-instalazioetako edo sarreretako desordena publikoak, jokabidea oso larritzat jotzen ez denean.

Lokaletan, instalazioetan edo materialetan 240 eurotik gorako eta 600 eurotik beherako kalteak eragitea fede txarrez nahiz axolagabekeriak.

Beste erabiltzaileekin eta kirol zerbitzuei atxikita dauden langileekin begirunerik gabe jokatzeko, iraintzea eta ohituren eta usadioen kontrako jarrerak izatea.

Instalazioetara iruzur eginda sartzea.

3 hutsegite arinetan berrerortzea.

- Hutsegite arintzat joko dira:

Lokaletan, instalazioetan edo materialetan 240 eurotik beherako kalteak eragitea fede txarrez nahiz axolagabekeriak.

Kirol zerbitzuei atxikita dauden langileen oharrak ez aintzat hartzea, edo gainerako erabiltzaileekin jarrera oker samarra izatea.

6.2. ZIGORREN MAILAKATZEA

Hutsegiteak mailaketa honen arabera zigortuko dira:

- Arau-hauste oso larriak direnean, erabiltzaile izaera galduko da, eta Ametx erakunde autonomoaren edozein instalazio erabiltzeko debekua jasoko da. Debekua 6 hilabete eta beti artekoa izan daiteke.

- Arau-hauste larriak direnean erabiltzaile izaera galduko da, eta Ametx erakunde autonomoaren edozein instalazio erabiltzeko debekua jasoko da. Debekua 1 hilabetetik 6 hilabetera bitartekoa izan daiteke.

- Hutsegite arinen eraginez, AMETX ERAKUNDE AUTONOMOAREN instalazioak erabiltzea debekatuko zaio hilabetez gehienez ere.

7. LANGILE TEKNIKOAK

- Ametx erakunde autonomoak bertako erabiltzaileei behar bezalako zerbitzua eskaintzeko adina langile tekniko izango ditu zerbitzuan.
- Kudeatzailea da bertan ematen diren zerbitzuen jardunaren eta bertako instalazioen arduradun gorena.
- Kirol-programazioaren eta ikastaro eta jardueretan erabili beharreko metodologiaren arduradun teknikoak egongo dira.

Kirolekako begiraleek euren zereginak behar bezala garatzeko behar besteko lanbide-gaitasuna dutela egiaztatzen duen titulazio espezifikoak eduki behar dute.

AZKEN XEDAPENAK

- Zenbait zerbitzuren erabilera aparte eta zabalago arautu ahal izango da, erabiltzaileek hobeto uler dezaten.
- Araudi honetan jaso ez diren bestelako kasuak, hasieran, administrazioak interpretatu eta ebatziko ditu.
- Araudi hau eta beraren aldarazpenak –indarrean dagoen bitartean gerta litezkeenak– hasieran, eta bidezkoa bada, presidenteak proposatu eta Ametx erakunde autonomoaren Zuzendaritza Batzordeak onartuko du; iragarkien oholean eta Bizkaiko Aldizkari Ofizialean argitaratuko da, eta, jendaurrean egoteko eta alegazioak jasotzeko 30 eguneko epea iragandakoan (eta alegaziorik badago, haiek ebatzitakoan), oso-osorik argitaratuko da Bizkaiko Aldizkari Ofizialean, indarrean hasi aurretik.
- Araudi hau Bizkaiko Aldizkari Ofizialean oso-osorik argitaratu eta hurrengo egunean jarriko da indarrean, eta indarraldi mugagabea izango du.
- Hiritarrek araudi honetarako erabateko irisgarritasuna izango dute.